

Arkiv: FE-038
JournalpostID: 26/17819
Saksbehandlar: Geir Liavåg Strand

Vedtaksorgan Kommunestyret

Saksnr.	Utval	Møtedato
	Formannskapet	
	Kommunestyret	

Godkjenning av samarbeidsavtale – administrativt vertskommunesamarbeid om eldre og avslutta kommunale arkiv

Vedlegg

- 02.09.2026 Samarbeidsavtale_12.08.2026
- 02.09.2026 Forskrift om forsøksordning om vertskommunesamarbeid på arkivområdet
- 02.09.2026 Godkjenning av forsøk vertskommunesamarbeid på tvers av kommunale nivå

Kommunedirektøren si tilråding

Kommunestyret godkjenner samarbeidsavtale om administrativt vertskommunesamarbeid om eldre og avslutta kommunale arkiv mellom Gloppen kommune og Vestland fylkeskommune.

Kort samandrag av saka

Gloppen kommune er deltakar i Kommunearkivordninga i Vestland (KAV), eit kommunalt oppgåvefelleskap som utfører arkivdepottenester for eldre og avslutta kommunale arkiv for 18 kommunar frå tidlegare Sogn og Fjordane og Vestland fylkeskommune. Samarbeidet vert no, i tråd med politiske vedtak hausten 2025, omorganisert til eit administrativt vertskommunesamarbeid med Vestland fylkeskommune som vertskommune.

Samarbeidsavtalen som skal regulere samarbeidet i forsøksperioden ligg no føre og skal vedtakast politisk i alle deltakarkommunane og i fylkestinget før samarbeidet kan tre i kraft.

Omorganiseringa er ein del av ei godkjend forsøksordning og inneber ingen endringar i tenestefomfang eller kostnader for kommunen.

Saksutgreiing

Bakgrunn for saka

Gloppen kommune har i mange år samarbeida med fylkeskommunen og andre kommunar i fylket om å løyse nokre av arkivoppgåvene i fellesskap, organisert gjennom det som i dag heiter Kommunearkivordninga i Vestland KO (KAV). Samarbeidet er forankra i kommunen sitt behov for fagleg forsvarleg og kostnadseffektiv handtering av eldre og avslutta kommunale arkiv.

KAV er i dag organisert som eit kommunalt oppgåvefellesskap etter kommunelova § 19, med Vestland fylkeskommune som vertskap og alle kommunane i tidlegare Sogn og Fjordane som medlemar.

I 2025 søkte KAV, saman med Vestland fylkeskommune, om å delta i forsøksordninga for å teste ut administrativt vertskommunesamarbeid på tvers av forvaltningsnivå, heimla i kommunelova kapittel 20. Søknaden vart politisk handsama i alle kommunestyra og fylkestinget hausten 2025.

Kommunal- og distriktsdepartementet godkjende søknaden 25.02.2026, og forsøket er heimla i Forskrift om forsøksordning om vertskommunesamarbeid på arkivområdet.

Vestland fylkeskommune tek på seg vertskommunerolla i samarbeidet.

Det siste steget før forsøket kan setjast i gang, er at alle deltakarane vedtek samarbeidsavtalen politisk.

Godkjenning av samarbeidsavtalen er eitt av to vedtak kommunestyret må fatte. Det andre vedtaket gjeld delegering av mynde til vertskommunen, og dette vert handsama i eiga sak.

Fakta i saka

Rettsleg grunnlag

Samarbeidsavtalen er heimla i kommunelova §§ 20-1, 20-2, 20-4 og 20-8, og i Forskrift om forsøksordning om vertskommunesamarbeid på arkivområdet, godkjend av KDD.

Samarbeidsavtalen må vedtakast av Kommunestyret og kan ikkje delegerast, jf. kommunelova § 20-4.

Kva samarbeidsavtalen regulerer

Samarbeidsavtalen fastset mellom anna:

- Kven som er vertskommune og kven som er samarbeidskommunar
- Kva oppgåver som vert utførte av vertskommunen
- Ansvarsfordeling mellom vertskommune og samarbeidskommune
- Økonomi og fordelingsnøkkel
- Dialog og rapportering
- Varigheit og oppseiing

Kva samarbeidet inneber for kommunen

Tenestene kommunen mottok vert ikkje endra. Samarbeidet omfattar:

- Depot for papirbaserte og elektroniske arkiv
- Arkivfagleg råd, rettleiing, kurs og opplæring
- Handsaming av førespurnader knytte til arkiv i depot
- Formidling og tilgjengeleggjering av arkiv
- Rettleiing og støtte til arkivdanning og arkivplanarbeid

Kommunen beheld det overordna arkivansvaret etter arkivlova. Handsaming av innsynskrav og enkeltvedtak ligg framleis hjå kommunen sjølv.

Økonomiske konsekvensar for kommunen

Samarbeidet er finansiert gjennom årlege tilskot frå alle deltakarkommunane etter ein fordelingsnøkkel fastsett i samarbeidsavtalen vedlegg 1. Kommunen sitt økonomiske bidrag (kontingent og depotleige) til samarbeidet vert ikkje endra som følgje av omorganiseringa.

Samarbeidet sin økonomi skal skiljast tydeleg frå vertskommunen sitt ordinære driftsbudsjett. Eksisterande driftsfond og prosjektfond frå Kommunearkivordninga i Vestland KO vert øyremerkja til vertskommunesamarbeidet.

Forsøket vil ikkje medføre auka kostnader. Eventuelle effektiviseringsvinstar skal fordelast mellom alle deltakarane.

Varigheit

Samarbeidsavtalen gjeld i forsøksperioden. Dersom forsøket er vellukka og det vert gjort lovendringar som opnar for permanent vertskommunesamarbeid på tvers av forvaltningsnivå, skal avtalen reviderast og vedtakast politisk på nytt.

Dersom forsøket fell bort utan lovendringar, går samarbeidet tilbake til å vere organisert som eit kommunalt oppgåvefelleskap etter kommunelova kapittel 19.

Konsekvensar for klima og miljø

Ikkje vurdert.

Sosiale konsekvensar

Ikkje vurdert.

Vurdering opp mot planverk

Ingen.

Kommunedirektøren si vurdering

Kommunedirektøren tilrår at kommunestyret godkjenner samarbeidsavtalen.

Omorganiseringa frå oppgåvefellesskap til administrativt vertskommunesamarbeid forenkler organiseringa, reduserer administrative kostnader og vidarefører eit velfungerande samarbeid om arkivtenester utan endringar i tenesteomfang eller kostnader for kommunen.